

Kalaallit Nunaata ilaani aalajangersimasuni angalasinnaatitaanermut tamaanilu angallanneq aamma piumasaqaatit pillugit nalunaarut

Kalaallit Nunaanni pinerluttulerinermik inatsimmi § 264, imm. 1, tak. inatsit nr. 306, 30. april 2008-meersoq naaperlugu, aalajangersarneqarpoq:

Kapitali 1.

Sermersuarmi kiisalu Kalaallit Nunaataa avannaarsuani kangianilu Nuna Allanngutsaaliugassatut Immikkoortitami il.il. angallanneq

§ 1. §§ 2-5-imi aamma § 13-imi taaneqartut eqqaasannikkaanni, akuersissuteqaqqaarani ukunani angallaneq inerteqqutaavoq

- 1) Kalaallit Nunaanni sermersuarmi imaluunniit tassanngaaneersumit sermimi iigartartumi,
- 2) Kalaallit Nunaata avannaarsuani kangianilu Nuna Allanngutsaaliugassatut Immikkoortitami imaluunniit eqqaani imartatigut killeqarfinni
- 3) Tunup sinnerani Nuna Allanngutsaaliugassatut Immikkoortitamit Kangerlussuatsiamut (Lindenows Fjord) kangianut/kimmut titarneq aamma
- 4) Avannaata sinnerani Nuna Allanngutsaaliugassatut Immikkoortitamit allorniusat sanimukaartut 78-annut.

§ 2. Ukunani angalanissamut akuersissuteqarnissamik piumasaqaateqartoqanngilaq

- 1) Qaanaap eqqaani allorniusat sanimukaartut 78-ip aamma 79-ip akornanni allorniusat ammukaartut 66-ata kitaani,
- 2) Illoqqortoormiini illoqarfimmiit naatsorsukkamit qummut Nuna Allanngutsaaliugassatut Immikkoortitamut, kimmut allorniusat ammukartut 29 gradimiittumut aamma kujammut allorniusat sanimukartut 70 gradimiittumut aamma
- 3) Tasiilap qeqqata tungaaniit sumiiffik 150 km-it.

§ 3. § 1-imi taaneqartuni nunami sumiiffinni ulloq unnuarlu ataallugu sivisussusilimmik angallanneq nalunaarut manna naapertorlugu akuersissuteqarnissamik piumasaqaateqartoqanngilaq.

Imm. 2. § 1-imi taaneqartumi sumiiffimmi umiartornissaq, sivisussusaa apeqqutaatinnagu, nalunaarut manna naapertorlugu akuersissuteqarnissaq piumasaqaatigineqarpoq.

§ 4. § 1-imi taaneqartuni sumiiffinni nalinginnaasumik ataatsimut angallanneq aamma Kalaallit Nunaanni najugaqavissunit inunnit ingerlanneqartumik piniarnermik aallaanerniarmillu ingerlatsinneq pissutigalugu angallanneq, nalunaarut manna naapertorlugu akuersissuteqarnissamik piumasqaateqartoqanngilaq.

§ 5. Misissueqqaarnernut, misissuineranut imaluunniit atortussianik aatsitassanit pisunik piiaanernut atatillugu, tak. Kalaallit Nunaanni aatsitassat pillugit inatsit, § 1-imi taaneqartuni sumiiffinni angallanneq, nalunaarummi matumani kapitali 1-imi ilaatinneqanngillat.

§ 6. § 1-imi taaneqartuni sumiiffinni angallannissamut akuersissutit Namminersorlutik Oqartussanit nalunaarutigineqassapput.

Imm. 2. Kalaallit Nunaanni Politimesteri aamma Grønlands Kommando tusarniaaffigereerlugit qinnuteqaat suliarineqassaaq tamaanilu angalanissamut akuersissutinut tunngasut oqartussaaffiit taakku isumaqataanerisigut aalajangiiffigineqassallutik.

§ 7. § 1-imi taaneqartumi sumiiffinni angallannissamut akuersissummik qinnuteqaat, angalanissap aallartinnissaata naatsorsuutigineqartup aallartinnginnerani kingusinnerpaamik sapaatip akunnerit 12-it sioqqullugit, Namminersorlutik Oqartussanit tigoreerineqassaaq.

Imm. 2. Namminersorlutik Oqartussat erseqqinnerusumik aalajangersaaneratigut qinnuteqaat arlalinnik paasissutissanik imaqassaaq, tassunga ilanngullugit angallavissaaq, atortussat, suliaasat pilersaarutigineqartut pillugit paasissutissat kiisalu angalanerup ingerlanneqarnissaanut peqataasut piukkunnaateqarnerat pillugu uppernarsaat il.il.

§ 8. § 1-imi sumiiffinni taagorneqartuni angalanissamut akuersissuteqarnermi nalunaaruteqarnermut atatillugu piumasqaatinik aalajangersaasoqarsinnaavoq, ilaatigut annaasiniarsinnaanerit ingerlanneqarnerisa pinaveersaarneqarneri imaluunniit ajornannginnerulernissaat siunertaralugu, tassunga ilanngullugu angalanerup piffissaliinikkut imaluunniit sumiissusersiornikkut killiliineq aamma radiomik sillimmatimik imaluunniit atortussanik sillimatinik il.il. nassarneq pillugu piumasqaatit.

Imm. 2. Ilanngullugu akuerisaasumik sillimmasiisarfimmi sillimmasersimanissamik imaluunniit annaassiniarsinnaanernut atatillugu pisortat aningaasartuutaanik matussusiisussamik taamaaqataanik aarlerinangitsumik sillimmasersimanissaq pillugu piumasqaateqartoqarsinnaavoq.

Imm. 3. Akuersissuteqarneq pillugu nalunaaruteqarnermut atatillugu angalaneq pillugu nalunaarusiornikkut angalanerup ingerlanneqarnera pillugu paasissutissiinissamik qinnuteqartut pisussaaffilerneqarsinnaapput.

§ 9. *Imm. 1-*imi taaneqartuni angalanissaq pillugu ilisimatusarfeqarfinit qinnuteqaatit Namminersorlutik Oqartussanit suliarineqarnerannut akitsuut 4.000 kr. akilerneqassaaq, taamaattorli tak. *imm. 2.*

Imm. 2. Imm. 1-imi taaneqartuni angalanissaq pillugu ilisimatusarfeqarfinit qinnuteqaatit Namminersorlutik Oqartussanit suliarineqarnerannut ukiumoortumik akitsuut 25.000 kr. ilisimatusarfeqarfiup ataatsip akilissavaa.

Imm. 3. § 1-imi sumiiffinni taaneqartuni angalasinnaatitaanermik qinnuteqaatip nassiunnerani Namminersorlutik Oqartussanut akilerneqassaaq.

§ 10. § 1-imi sumiiffinni taaneqartuni angallannissamut akuersissut itigartitsissutigineqarsinnaavoq, angalaneq illersorneqarsinnaannginguatsiartutut naatsorsuutigineqarpat, tassunga ilanngullugu angalanissamut qinnutigineqartup ingerlanneqarnissaanut qinnuteqartoq piukkunnaateqanngitsutut naatsorsuutigineqarpat, imaluunniit angallanneq naalagaaffiup, Namminersorlutik Oqartussat inuinnaalluunniit piginnaatitaaffiisa innarlerneqarnerinik kinguneqarpat.

Imm. 2. § 1-imi taaneqartumi sumiiffinni angallannissaq aammattaq itigartitsissutigineqarsinnaavoq, imaattoqarpat

- 1) qinnuteqaat piffissaq eqqorlugu tiguneqarsimanngippat, taamaattumillu pisariaqartumik peqqissaarussamik angalaneq pillugu naliliineq ingerlanneqarsinnaanngippat,
- 2) qinnuteqaat kissaatigineqartunik paasissutissanik imaqanngippat, taamaattumillu angalaneq pillugu naliliineq naammaginarluinnartumik tunngaveqarluni ingerlanneqarsinnaanngippat,
- 3) sioqqutsilluni tunngavilersukkamik ilimagineqarpat, akuersissummi aalajangersarneqartut piumasaqaatit qinnuteqartup eqqortissinnaanngikkai, imaluunniit
- 4) § 1-imi taaneqartuni sumiiffiit ilaanni siusinnerusukkut angalasimanermut atatillugu akuersissutigineqartuni nalunaarutigineqarsimasuni piumasaqaatinik imaluunniit allatigut sumiiffimmi uninngaarnermi malittarisassanik atuuttunik qinnuteqartoq eqqortitsisimanngippat.

§ 11. § 1-imi taaneqartuni angalanissamut akuersissut qaqugukkulluunniit Namminersorlutik Oqartussanit imaluunniit Kalaallit Nunaanni Politimesterimit utertinneqarsinnaavoq. Utertitsineq pisinnaavoq assersuutigalugu paasissutissat nutaat pingaaruteqartullu tunngavigalugit angalaneq illersorneqarsinnaanngitsutut naatsorsuutigineqarpat imaluunniit angallanneq naalagaaffiup, Namminersorlutik Oqartussat, inuinnaalluunniit piginnaatitaaffiisa innarlerneqarnerinik kinguneqarpat.

§ 12. § 1-imi taaneqartuni sumiiffinni pisariaqartumik akuersissutitaqanngitsumik angalaneq, akuersissummut nalunaarutigineqartumut akerliusoq imaluunniit § 11 naapertorlugu akuersissutit utertinneqareernerata kingorna angallanneq Kalaallit Nunaanni Politimesterip aalajangeereerneratigut unitsinneqarsinnaavoq.

Imm. 2. Angalanerup unitsinneqarneranut atatillugu, Kalaallit Nunaanni Politimesterip imaluunniit taassumap piginnaatitaata, peqataasut nassatai, atortui qimmaneqarnissai qimmiisalu toqorarneqarnissai pillugit aalajangiisinaavoq.

§ 13. Namminersorlutik Oqartussat imaluunniit Kalaallit Nunaanni Politimesterip aalajangiinerat Justitsministeriamut naammagittaalliutigineqarsinnaavoq. Naammagittaalliorneq kinguartitsiffiunngilaq. Naammagittaalliut Justitsministeriami tigu neqareersimassaaq aalajangeereernerup kingorna sapaatip akunneri arfineq pingasut qaangiutsinnagit.

§ 14. Kapitalimi matumani malittarisassat NATO-mi sakkutooqatigiinnut ilaasortanut, danskit sakkutooqarnermi oqartussaasuinut imaluunniit danskit naalagaaffimmi oqartussaasuinut, Namminersorlutik Oqartussat oqartussaasuinut aamma kommunip oqartussaasuinut atuutinngillat.

Imm. 2. Taamaattorli angallaneq aallartitsinnagu imm. 1-imi taaneqartuni oqartussaasunit il.il. ingerlanneqartoq angallaneq pillugu Namminersorlutik Oqartussat ilisimatinneqassaapput.

Imm. 3. Imm. 2 sakkutooqarnikkut suliaqarnermi atuutinngilaq.

Kapitali 2.

Kalaallit Nunaanni sakkutooqarfinnut/-niit nunnillatsiarneq kiisalu angalaneq

§ 15. § 16-imi taaneqartut eqqaassanngikkaani Kalaallit Nunaanni illersornissaq pillugu 27. april 1951-imi pilersinneqartoq, kingusinnerusukkut allannguuteqartoq, Danmarkimi naalagaaffiup Amerikamilu Naalagaaffiit Peqatigiit akornanni isumaqatigiissut naapertorlugu Kalaallit Nunaanni sakkutooqarfimmu/-miit nunnillatsiarneq aamma angalaneq inerteqqutaavoq.

§ 16. § 14-imi taaneqartumi inuit makku killilersugaanngitsumik Kalaallit Nunaanni sakkutooqarfinnut/-niit nunnillatsiarsinnaapput angalasinnaallutillu:

- 1) Qulaani taaneqartoq isumaqatigiissut imaluunniit NATO-mi aaqqissuussinerit allat naapertorlugit sulinernut atatillugu Kalaallit Nunaanni sakkutooqarfinni najuunnissaat pisariaqartinneqartut, NATO-mi sakkutooqatigiinnut ilaasortat, kiisalu taakkua ilaqtai,
- 2) Sulisuinnaat, sakkutooqarnermi oqartussaasunit pineqartunit imaluunniit taakkua ilaannit piginnaatitsisumit ingerlatseqatigiiffimmit namminersortumit USA-mit aallartinneqartut, sumiiffimmilu taaneqartumi qulaani taaneqartumi isumaqatigiissut imaluunniit NATO-mi aaqqissuussinerit allat naapertorlugit najuunnissaat pisariaqartinneqartut, kiisalu taakkua ilaqtai,
- 3) danskit kalaallillu oqartussaasuinit sinniisit,
- 4) Qaanaap kommuniani nalunaarsorsimasut inuit,

- 5) inuit, sakkutooqarfimmiinissamut danskit naalagaaffianit immikkut piginnaatinneqartut, kiisalu
- 6) inuit, sakkutooqarfimmiinnissamut Amerikap naalagaaffianit immikkut piginnaatinneqartut.

Imm.2. Sulisuinnaat, Danmarkimiit imaluunniit USA-unngitsumit nunanit allanit aallartinneqartut, § 15-imi taaneqartumi Kalaallit Nunaanni sakkutooqarfimmi imm. 1, nr. 2-mi taaneqaartut pissutigalugit najuunnissaat pisariaqartinneqartut, taakkualu ilaqutai, Udenrigsministeriap siumoortumik akuersissuteqarneratigut sakkutooqarfimmut/-mit nunnikkallarsinnaapput angalasinnaallutillu.

Imm. 3. Imm. 1 aamma 2-mi taagorneqartunit inuit allat, danskit naalagaaffianni innutaassusillit Kalaallit Nunaanni najugallit danskit eqqaassanngikkaanni, Udenrigsministeriap imaluunniit danskit oqartussaasuisa allap Udenrigsministeriap piginnaatitaata siumoortumik akuersissuteqarneratigut § 15-imi taaneqartumi Kalaallit Nunaanni sakkutooqarfimmut/-mit angalasinnaapput.

Imm. 4. Kalaallit Nunaanni Thule Air base aqqusaarlugu takornariat tikeraallu allat nunnillatsiartut pillugit Amerikami naalagaaffiit peqatigiit aamma Kunngeqarfik Danmarkip (Namminersorlutik Oqartussat ilanngullugit) akornanni isumaqatigiissut 19. januar 1995-imeersumi ilaatinneqartut, nunnillatsiartut, Udenrigsministeriap imaluunniit danskit oqartussaasuisa allap Udenrigsministeriap piginnaatitaata siumoortumik akuersissuteqarneratigut kiisalu Kalaallit Nunaanni Amerikamiut sakkutooqarnermi oqartussaasuisa akuersissuteqarnerisigut, Kalaallit Nunaanni sakkutooqarfik nunnillatsiarfigisinnaavaat.

Imm.5. Danskit naalagaaffianni innuttaassusillit Kalaallit Nunaanni najugallit danskit, imm. 1 aamma 2-mi ilaatinneqanngitsut, Kalaallit Nunaanni Rigsombudsmandip siumoortumik akuersissuteqarneratigut § 15-imi taaneqartumi Kalaallit Nunaanni sakkutooqarfimmut/-mit nunnillatsiarsinnaallutillu angalasinnaapput.

§ 17. § 16, imm. 2-mi ilaatinneqartut inuit qinnuteqaataat Udenrigsministeriap tigoreersimassavaa kingusinnerpaamik sakkutooqarfimmut aallannginnermi sapaatip akunnera sioqqullugu. § 16, imm. 3 aamma 4-mi ilaatinneqartut inuit qinnuteqaataat Udenrigsministeriap tigoreersimassavaa kingusinnerpaamik sakkutooqarfimmut aallannginnermi sapaatip akunneri pingasut sioqqullugit.

Imm. 2. § 16, imm. 5-imi ilaatinneqartunit, Kalaallit Nunaanni Rigsombudsmandimut inunnit akuersissummik qinnuteqaat, Kalaallit Nunaanni Rigsombudsmandimi tigoreerneqarsimassaaq kingusinnerpaamik sakkutooqarfimmut aallannginnermi sapaatip akunnera ataaseq sioqqullugu.

§ 18. Kalaallit Nunaanni sakkutooqarfinnut allanut pisinnaaneq, sumiiffimmut akisussaasumit danskit sakkutooqarnermi oqartussaasuinit akuersissuteqarnissamik piumasaqaatitaqarpoq.

Kapitali 3

Unioqqutitsineq atuutilerfialu

§ 19. Piaaraluni mianersuaalliornikkulluunniit § 1-imik aamma § 15-imik unioqqutitsineq kiisalu § 8 naapertorlugu nalunaarutigineqartunik piumasaqaatinik aamma peqqussutunik unioqqutitsineq akiliisitsinermik kinguneqarsinnaavoq. Aammattaaq atortunik il.il. arsaarinnittoqarsinnaavoq.

§ 20. Nalunaarut manna atuutilissaaq ulloq 10. februar 2010.

Imm. 2. Tamatumunnga peqatigitillugu Kalaallit Nunaata ilaani aalajangersimasuni angalasinnaatitaanermut tamaanilu angallanneq aamma piumasaqaatit pillugit nalunaarut nr. 1280, 7. december 2006-imeersoq atorunnaarsinneqarpoq.

Justitsministereqarfik, ulloq 8. februar 2010

BRIAN MIKKELSEN

/ Barbara Bertelsen